

# ALAHADY Fankalazana ny Vatana Masin'i Kristy- TAONA D2019



« Dia nihinana izy rehetra ka voky » (Lk. 9: 17)

Ry Kristianina havana, tamin'ny Alahady lasa teo isika nankalaza ny Trinite Masina Andriamanitra

Vakiteny I : Jen. 14, 18-20

Tononkira : Salamo 109

Vakiteny II : Kôr. 11, 23-26

Evanjely : Lk. 9, 11b-17

tokana olona telo isika, isika jiaby dia oloaraiky ao amin'ny Trinite Masina. Izao Alahady izao miaraka amin'ny Eglizy manerantany isika no mankalaza ny Vatana sy ny Ràn'i Kristy na koa antsoina hoe “Fête-Dieu” miaraka manao procession isika mankalaza an'Andriamanitra eo anivontsika dia i Kristy izay banjinintsika amin'ny Eokaristia masina. Izany no

mahatonga ny olona manao “Fête Dieu”. Izy Andriamanitra tokoa hajaintsika amin'ny Sakramenta Masina no mitsodrano antsika ary amin'ny alalany sy miaraka aminy ary ao aminy no hahazoantsika ny tsodrano mitondra ny fahasoavana rehetra.

Nolazain'i Jesoa tamin'ny alakamisy masina hoe “ *Raiso ary hano, fa Vatako ity ho anareo, manaova izao ho fahatsiarovana Ahy*”. Toy izany koa, nony efa nihinana, noraisiny ny kalisy, dia hoy Izy: “*Ity kalisy ity no fanekena vaovao amin'ny Rako; manaova izao ho fahatsiarovana Ahy, isaky ny misotro ianareo.*” Mankalaza izany isika no manao ny Eokaristia fa atokana kosa ny Alahady anankiray manaraka ny Trinite Masina handalinantsika azy manokana mba haninteraka amin'ny fiainantsika tahaka ny ankalazaintsika ny Trinite Masina, ataontsika isanandro ny famantaran'ny hazo fijaliana

izay manambara ny Trinite Masina fa tian'ny Eglizy ny manokana ny andro handiniana sy hibanjinana izay ankalazaintsika. Izany no antony ankalazaintsika manokana androany ny Vatana sy ny Ràn'i Kristy, hanaovana procession hanambarana mazava ny finoantsika Matetika tokoa no milaza amintsika fa ny fankalazana ho antsika dia tsy fahatsiarovana fotsiny fa fiainana ka amin'ny Eokarisita dia Jesoa mihitsy no eo anivon'ny fiainantsika ka amin'ity taona ity dia amin'ny alalany sy miaraka aminy no hitondrantsika ny fiainantsika miditra amin'ny faha-100 taona ny FET ary indrindra miroso amin'ny kongresy Eokaristika. Mifototra amin'ny loharanon'ny fiainantsika izao fankalazana lehine manetriketrika ataontsika izao

Ao amin'ny Eokaristia i Jesoa ankalazaintsika amin'izao Fête-Dieu izao, tsy hoe ankandrina na resaka fihetsem-po fa tena fiainana ary izany no maha Olona Velona antsika satria Eglizy misy an'i Jesoa sy Andriamanitra eo anivontsika.

Izany no mahatonga antsika manentana fa tokony hanana “chapelle portable” isika izany hoe miaraka amin'i Masina Maria ilay tabernakla velona mandinika ny misterin'ny famonjena antsika. **ARY IZANY INDRINDRA NO ANOKANANTSIKA NY TANANTSIKA AMIN'NY FO MADION'I MARIA MBA HAKA TAHAKA AN'I MARIA ISIKA ARY INDRINDRA I MASINA MARIA HIVAVAKA HO ANTSIKA.**

Mandritra ny procession isika dia sady mihira no mankalaza ny famindrampon'Andriamanitra izay banjinantsika amin'ny Eokaristia satria mibanjina ny misterin'ny famonjena antsika.

Amin'izao Alahady hibanjinantsika ny Vatana sy ny Ràn'i Jesoa izao no hanovozantsika ny aim-baovao ho entintsika eo amin'ny fiainantsika, isika zava-boahary vaovao ka mahatonga antsika ho voky sy hanana ny toe-piainana vaovao ao amin'ny Eokaristia izany hoe hanana fianam-baovao eokaristika izay midika fa tabernakla velona isika satria ao amintsika i Jesoa ary tahaka an'i Masina Maria isika mitondra an'i Jesoa eo amin'ny fiainantsika.

Mihavao isika rehefa eo anivontsika i Kristy, izany ny fanorenana lazaintsika, fanorenana fianam-baovao miaraka amin'i Kristy. Maro ny Eglizy mametraka ny andro hanaovana ny kominio voalohany amin'izao fetin'ny Vatana sy Ràn'i Kristy izao hanambarana fa olom-baovao isika Eglizy Olona Velona ka hizara ny fanantenana vokatry ny eokaristia tahaka an'i Masina Maria feno fanantenana na dia mafy aza ny sedra teo am-pototry ny hazo fijaliana dia manantena izy ao amin'i Kristy ka isika koa mahazo aim-baovao rehefa mandray ny Eokaristia, manova ny fiainantsika ka hahatonga antsika handresy ny ratsy izay manapotika ny fiainantsika.

Io no famantarana ambaran'ny evanjely “*Fa hoy Izy taminy: “Omeonareo hanina izy”. Dia namaly ireo nanao hoe: “Tsy manana afa-tsy mofo dimy sy hazandrano roa izahay, raha tsy hoe handeha hividy angaha izahay, mba hisy hohanin'ireo vahoaka be ireo”*”

Tsy manana n'inona n'inona isika fa raha miaraka miasa amin'i Kristy dia afaka miara-belona amin'olona. Raha manao ny asan'Andriamanitra isika dia Andriamanitra manao ny asantsika. Andriamanitra lavorary ka ho lavorary ny asantsika. Izany ny famelomana ny vahoaka dia ny fiarahamiasa amin'i Kristy. Kominio izany hoe miombona amin'i Kristy amin'ny ataontsika rehetra satria asan'Andriamanitra. Rehefa mandray kominio isika ary hanambarantsika ny finoantsika izany fankalazana manetriketrika fa i Kristy eo anivontsika, aoka hanavao ny fontsika isika ka hiteny mazava tsara ny valinteny ataontsika rehefa milaza ny pretra hoe “Vatan'i Kristy” dia tsara atao mafy ny “AMEN” satria hanambarana ny fiombonana tanteraka amin'i Kristy.

Olombelona isika mandia tany ka mety ho solafaka, miloloha lanitra ka mety ho lena, maro ny zavatra tsy mety ataontsika fa fantaro anefa fa rehefa miaraka miasa amin'i Kristy dia miova ny zavatra rehetra satria izy no hiasa ao amintsika. Tsy mampikombona ny kominio ataontsika fa fanirahana, maniraka antsika izy isika izay tabernakla velona miaraka amin'ny chapelle portable, miteny antsika izy tahaka ny nataony tamin'ny mpianany “*omeo hanina izy ireo*”.

Isika izao no irahin'i Kristy mba hamelona ireo manodidina antsika, isika izao no Kristy mpiara-belona, isika no Eglizy manorina Olona Velona sy Eglizy manorina Tranoben'Andriamanitra.

Ny fiainantsika dia tontolo misy ny ain'Andriamanitra ka kolokolointsika, toy izany koa ny tontolo iainantsika tsy handoro na hitevy ala isika, ny tontolom-piainantsika dia misy an'Andriamanitra ka amin'izao alahady fankalazana ny Vatana sy ny Ràn'i Kristy izao dia entintsika ny Sakramenta masina mamakivaky ny tònana manambara fa eo anivontsika Andriamanitra ary miaraka amin'ny chapelle portable. Ny amintsika eto Antsiranana dia tsy amin'ny chapelle ny famindrampo fotsiny fa ny tònana manontolo no hisy an'i Jesoa sy ny famindrampon'Andriamanitra ary famelan-keloka satria ao amintsika izy.

Mamelona ny manodidina antsika isika raha mampanjaka ny rariny sy ny hitsiny, raha miezaka mifampizara ny manta sy ny masaka ka mampijoro ny tena fampihavanana marina ka hahatonga antsika hampanjaka ny fiadanana sy hamafy ny fanantenana, mahatonga antsika sahady miomana amin'ny fahatongavan'ny Papa isika. Tabernakla velona tahaka an'i Masina Maria isika, entanin'ny vavaka avy amin'ny chapelle portable hibanjinantsika ny mystery ny famonjena antsika ka mitondra an'i Jesoa amin'ireo manodidina antsika. Mamelona ny vahoaka isika raha manangana ny tontolom-piainana izay mitondra amin'ny tontolom-pinoana. Hitsodrano antsika i Notre-Dame de la route, hitsodrano antsika i Masina Maria. Isika izao manantanteraka ny hafatra nataon'i Jesoa hoe “indro ny zanakao” raha nilaza tamin'I Masina Maria izay teo am-pototry ny hazofijaliana ary nitodika tamin'i Joany izy “indro ny reninao” ka nanomboka teo nampiantrano an'i Masina Maria i Joany.

Isika eto Antsiranana mampiantrano an'i Masina Maria ka lasa tabernakla ny tònanan'Antsiranana sy ny diosezy manontolo. Ny tsodranon'Andriamanitra hanentana ny fiainantsika ka ho olom-baovao ao amin'i Kristy isika.

Ry Jesoa Kristy zokinay ô, tsy lavitra anay ianao fa nametraka ny vatanao sy Rànao ho sakafo mamelona anay ianao ka ampio izahay, ampio ny tontolom-piainanay manontolo ho tontolo hisy anao ka ho tena EOV Eglizy Olona Velona manorina ETA Eglizy Tranon'Andriamanitra izahay ary ho tena génération mpanorina izany hoe ho mpamafy fanantenana, ho mpamafy fiadanana miaraka amin'ny Papa Fransoa entanin'ny vavaka hiarahanay amin'ny Notre-Dame de la Route. Mankasitraka anao izahay ka enga anie ny tsodranonao hanenika ny fiainanay manontolo, ny sakramenta hitsaonay anie ho tena tabernakla hitsaonay tokoa ka ho tabernakla masina ny tenanay sy ny fiainanay. Amen

Mompera Arseveka Benjamin Ramaroson